

خالد عبد السلام

مجرد حلم

أشعار بالعامية المصرية

الطبعة الأولى ٢٠١٧

بطاقة الكتاب

عنوان المؤلف : مجرد حلم
المؤلف : خالد عبد السلام
التصنيف : خواطر أدبية
رقم الإيداع : 2017 - 21606
عدد الصفحات : 102 صفحة
رقم الإصدار الداخلي : 58
تاريخ الإصدار الداخلي : 2017 / 10 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



اسمها الشاعر ناجى عبد المنعم

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 - تليفاكس: 020554372901
alnilwaalfourat@gmail.com alnilwaalfourat
[المتر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ 13 - عقار 304]

إهداء

إلى أمى وأبى

إلى زوجتى الحبيبة

إلى أولادى شاهنדה وزياد وإياد

إلى كل من ساعدنى فى خروج هذا الديوان إلى النور

تحياتى

خالد عبد السلام

عضو رابطة الزجالين وكتاب الأغاني

عضو الجمعية العامة لشعراء وأدباء مصر

عضو جمعية شعراء العرب

إهداء خاص

إلى من لولاها ما أبدعت
إلى من ملأت قلبي عزمًا
إلى من علمتني نبض الحروف
إلى من أدين لها أمام الله بفضلها
إلى أمي وأستاذتي ومثلي الأعلى

الشاعرة القديرة
منى الغريب

اتعودت

اتعودت خلاص

على بُعدك

اتعودت كمان انساك

بعد ما عشت

حياتي ف بُعدك

زى حياتي وأنا وياك

أوعى تفكر لما هتبعد

يضعف قلبي ويترجاك

ولا عيوني

هتيجي ف مره

وتنده قلبي يعيد نكراك

حتى ان عقاك

خلاك تحلم
مهما هتبعد هستناك
يبقى دا حلمك
مات جواك
علشان قلبي
خلاص أتعود
انه يعيش
من غير رؤياك

أنا المحبوس

أنا المحبوس في أحلامي

وقضباني من الأوهام

بشوف الذل في منامي

وادوق المر في الأحلام

ده أنا اللي خيالي سجاني

وزنزانتني حيطانها آلام

سنين السجن خلتنني

أعيش العمر متندم

وأشوف قلبي ما بين

أحلامه متألم

لا طایل يصحى من حلمه

ولا حتى بيتكلم

صراخ نبضه بيشكي
لكل أركاني
ومين يتحمل الشكوى
وأنا اللي عيوني بركاني
بتنزف جمر على خدي
ونار الوجد كاوياني

إضحك

إضحك ... إضحك

علشان وشك

ما يكرمش

دي الضحكه جميله

وماتكلفش

شيل من قلبك

أي قساوه ..

ما تترددش

إرمي همومك

من ورا ضهرك

بطل قفش

عيش أيامك

عيش أحلامك

من غير غش

بكرة يقابلك

عنا حظ

بأجمل وش

بس إن جه

من غير ما يشوفك

ما يهمكش

ما أنت أساسا

وشك فقري

وما بيضحكش

ساعة الغروب

ساعة الغروب

كل الجراح متجمعة

تبكي القلوب

والشمس ماشية مدمعة

وسط الدروب

الصرخة لسه مسمعه

والليل يا دوب

بادئ يجوب

في ليلة قاسية مشمعة

صاح الحنين

من بين قلوب المجروحين

كسر ضلوع الصمت

شق السواد اتنين
لجلن يطلع فجرها
طلع النهار
والحزن ساكن حُـنـها
كان لـ انتظار
واخذ قرار
ماتشوفش حتى فرحها
والصبر مات
لما السكات عشش
في وسط قلبها
بس الأهات
كان ليها نفس تقول لها
إن الحروف
عاشت في خوف

من بين سكاتها وأسها
أصل اللسان
لو عاش جبان
عمره ما هيـجيب حقها
رحم السنين
من بدري كان
عائش حزين
نزل الجنين
يصرخ ما بين المجروحين
شائل بـ همه دمعين
دمعة فوق خده اليمين
ودمعة واقفة
بين رمشين
مستنيه وقتـه

الحكاية

الحكاية كلها في كلمتين

كلمة ضاع منها حروفها

وكلمة تايهه من سنين

كلمة ضيعت بخوفها

حلم طفل كان يتيم

كان بيحلم يوم بدنيا

يلقى فيها

ناس قلوبها طيبين

ناس بتعطف ع الغلابة

وناس بتنصر مظلومين

بس مات الحلم لما

شاف بعينه

ناس قلوبها
م القساوة كالحجاره
وناس بتنهش كالديابه
وفي الغلابه ..
طماعين

مجرد حلم

مجرد حلم وحلمته

أعيش وياك

واطمن قلب

كان دائماً بيتمناك

ونظرة عيني مشتاقه

ليوم رؤياك

لكين يا خساره

حببتك

وقولت ملاك

وضاع الحلم من عيني

وباستناك



وشوفت القسوه
على قلبي اللي
داب ف هواك
وياما ندمت على
حلمي وضاع وياك
أتاري الحلم ف قلبك
دا مات جواك

اشكي ليا

يا للي شيلتى دمع عيني

لما سكنوا جوا همك

اشكي ليا وقت ضيقك

فضفضي

لقلبي اللي ضمك

يا للي صابره ع المآسي

قلبي مستني يقولك

إن عمري ما كنت ناسي

يوم ما كنت جوه حضنك

انتي طبعك ايوه صابره

بس ساكته

ومين يدلك



ع الطريق .. اللي ف بدايته

كلمه حلوه

وأخره ضحكه طالعه منك

نفسى أقولك إني جنبك

نفسى أسمع يوم لهمك

آه باحسك

ما أنت جوايا ف عروقي

آه بشوفك

وأنت ليا حناني ... شوقي

اطلبيني ... هتلاقيني

نبض سكنك

وف عروقي

دمي يجرى بكل روحي

ويا دمك

مش هغيب ..

أنا يوم عليكي

ولا هابعد تانى عنك

مش باني

نبض فيك

لاء لأنني

جوه منك

أنا جيت لك

يا واد افتح لي ..

يوم بابك

دا أنا واقف .. ومستني

أنول الود في وصالك

واعيش

في حياتي متهني

أنا قلبي خلاص جالك

ونبضه كمان خرج مني

يدق عليك

وأعتابك بتشكي للتراب همي

أنا جيت لك

وهاغزلك

رموشي شال لأكتافك
وأقول للقلب مين شافك
ولا مره يطمني
وهشكي للقمر حالي
وأقوله ع اللي جنني
وأعيد العمر من تاني
وأعيش بينك
وبين بيبي
وأجيب نجمة تخايني
أعيد رسمك
في تكويني

شايئين الهم

وشيننا الهم من بدري

كده ساكتين

وتقسى علينا أيامنا

لكين عايشين

خدتنا الدنيا و رمتنا

في بحر حزين

عشان لقمنا خلتنا

نشيل الطين

بنحلم مره بالراحه

ومش لاقيين

يا ناس دلونا

بصراحة

نجيبها منين
عشان أحلامنا
عاشينها بقالنا سنين
في دنيا زارعه جوانا
الم وأنين
خلاص العمر ضاع منا
ولا حاسيين
وزاد الهم في قلوبنا
عشان مساكين

داري العيون

داري العيون داريها
دا جمالها وسط الكون
حير محبيها
والقلب بات مفتون
من سحرها فيها
دا أنا شعري لو موزون
بنظرة تتوه مني
الكلمة ومعانيها
أصل الحروف بتكون
دايبه في شوق ليها
حتى القلم لو كتب
كلمة

فين السطور
اللي هتحميها
ما جمالها
دوب سطور
كتيرة قبلها
دي حتى الرموش
من حقها
منا تخبيها

ذنبى إيه !

وذنبى إيه أعيش فيكى
وأنا محروم من الضحكه
همومي كتير شايلها بكوم
وصبري خلاص على تكه
مشيت في طريق
مع الأيام
وفي السكة
قلوب بتخون بكل جنون
وناس نيتهما مش سالكه
حاولت كتير وما قدرتش
أداري حزني جوايـا
وحتى كلامي معرفتش

أقول له اسكت بقى كفايه
تعبت خلاص من القسوه
وراحت مني دنيايا
و قلبي كمان تعب مني
ووقفت منه ١٠٠ دقه
ده مين يقدر يقول للحزن
لو جاله في يوم لأه

طمئني

طمئني

لو ف مره غيبتني عني

حسسيني

إن قلبك رغم بعدي

كان فاكرنني

عرفيني

إن حبك مهما غيبتني

مسيره يوم يرجع لحضني

أصل قلبي

مستحيل ممكن

يصدق إن قلبك

يوم يسبيني
بعد ما كان بيشاغني
وكنت اقرب ليا مني
كنت قمري وسط ليلي
كنت شمسي كنت ضلي
كنت بسمة فوق شفايفي
كنت جوه عيني نني
دا ف غيابك
كل حاجه غايبة عني
حتى روجي جوه مني
بتخاصمني
حتى قلبي كل دقه
خارجة منه بتعاندي
ليه تغيبني وتحرميني

من عيون كنت أما اشوقها
برمي فيها كل همي ؟
من حنائك
اللي كان دايمًا حاميني
وانتي نايمه جوه حضني ؟
انتي فاكره
إن بعدك راح يخلي
مره قلبي ينسى حبي ؟
ولا عيني تيجي مره
تنسى نظره من عنيني
عشت فيها ويا قلبي ؟
تبقي ناسيه إن حبك
طول حياتي كان بيجري
جوه دمي

مش هخون

مش هخون

مش هابيع أنا حبي ليكي

من مجرد فكر طاييش

أو ظنون

مش هخون

بعد م قلبي مات عليكي

وخدني عقلي للجنون

مش هخون

بعد م شفقت جمال عينيكي

وكل رمش بألف لـون

مش هخون

بعد م عشت أنا بين إيديكي

أغلى حب ف أحلى كون

مش هخون

بعد ما قلبي حب فيكي

كل ضحكاه طالعه منك

كل دمعاه م الجفون

مش هخون

بس قولي إزاي هخون ؟

بعد ما عشت أنا عمري كله

بحلم إني ليكي أكون

مش ذنبي

أنا ممكن أكون غلطان
في يوم ما فتحت لك قلبي
لكن عمره ما كان ندمان
على حبه
و مش ذنبي
أكون عايش في دنيا
كلها أحزان
وأنت يا عمري مش جنبي
ليالي كثير
عانيت حرمان من الوحده
أنا وقلبي
وخذني طريقي

وسط زحام
مع الأيام وراح سابني
أقاسي كثير من الأحران
في دنيا كلها أوهام
ما شوفتش فيها
غير تعبي

بتحسدني

بتحسدني على الضحكة
اللي بضحكها وأنا وياك
وناسي دموع
كانت شايفه عذاب في هواك
دا أنا قلبي تعب منك
و م القسوة اللي شافها معاك
ما تحسدنيش
على ضحكة تشوفها مني
لو ثانية
دا أنا بخطفها
من عمري اللي كان مقسوم

على الدنيا
و متلومنيش على بسمة
بداوي بيها أجزاني
وما تقوليش أداري جراح
كانت في القلب كاوياني
دا أنا قلبي
شهاد حبك
و قلبك هو
ده الجاني

إزاي تنساني؟

حاولت كتير يمكن تنساني

جايز ترجع يوم لحياتك

واكتم حبي مع أحزاني

وسط أهات بتنادي أهاتك

لكن كان يعاندني زمني

و يفكرني بابتساماتك

وارجع تاني ياخذني حناني

لسماع كلمة من كلماتك

حتى عيوني كمان مشتاقه

لأجمل نظره من نظاراتك

أصل أنا باضعف

لما بشوفك
وأما بشوف في الليل
همساتك
حتى حروفي لما اكتبها
بتطلع كلمه من كلماتك
أعمل إيه
لجل ما تنساني
علشان ترجع
تاني حياتك؟

المحروم

أنا المحروم من الأفراح
وقلبي م الجراح مكسور
بعاني الظلم كل صباح
وانام الليل وأنا مهموم
بداري الحزن جوايا
وأقول ده نصيب
خلاص الهم دا معايا
ومالوهش طبيب
يا دنيا ليه تخليني
أعيش في عذاب
وتنزل دمه من عيني
بدون أسباب

دا أنا اللي كنت مستني
أشوف الفرحة في حياتي
وأعيش بالقلب
متهني وأشوف
أمال مع ذاتي
خلاص الهمة دوبيني
والفرحة فارقتها
حياتي

إِتمنيتك

إِتمنيتك لما لقيتك

ورد مفتح في البساتين

رفرف قلبي وطار على بيتك

يخطف قلبك م الملايين

شاف الكل بيطمع فيك

وانت يا عيني عليك مسكين

واقف بينهم خفت عليك

أحسن ياخده عينيك لتنين

مش تستغرب مين حواليك

ما أنت أساسا سحر عنيك

خلت كل الناس عاشقين

أنا القلم

أنا القلم اللي تايه
بين ألوانه وبين رسمك
أنا اللي عايش بأحلامه
في دنيا جميلة من همسك
أنا اللي كل أحزانه
تدوب من دقه
من قلبك
ده أنا المقتول وأنا الجاني
وأنا اللي قضباتي
حروف اسمك

غدر الدنيا

في ساعات بنشوف الفرح

ولكنه ما بيشوفناش

وساعات بيحن القلب

لناس وما تسواش

وساعات حياتنا رخاص

وساعات كمان ببلاش

وجراحنا مهما تزيد

الناس ما حسّتهاش

ومهما قولنا كثير

كمان ما تسمعناش

ما هي دنيا .. الغدر ماليها

لمّه الأحزان حواليتها

تجرحنا ف كل دقيقه
والكل اهو عايش فيها
عايشينها بكل مرارها
فاكرين عارفين أسرارها
أتاريننا بنتعب حالنا
مع دنيا واخده قرارها
عايشينها ... وياما قاسينا
م الجرح وم الحرمان
ماشيين شايفين بعيننا
الظلم ف كل مكان
بندور على أمانينا
ولا نعرف لها عنوان
علشان الفرح ناسينا
وسايبنا مع الأحزان

دا يا ريتنا يا دنيا ما جينا
ولا عشنا معاك يا زمان

ما تصدقنيش

ما تصدقنيش
لو قولت ف بعدك
صعب أعيش
لو قولت ف مرة
إن حياتي من غير
حبك ما تساعنيش
لو قولت كلام الحب
في قلبي ممكن مره
يروح ما يجيش
أو ممكن حتى
حروف أشواقي
ما بين أوراقي

ما هتشوفنيش

ما تصدقنيش

واوعى تفكر

لما هتبعد

صعب عليا

اقدر أعيش

أصل خلاص

عصفور الحب

طار في الدنيا

من غير ريش

ليل الوحده

ليل الوحده عذاب ومرار
مره يفوت مره سكوت
ومره يخلي العقل ف نار
قلت ف مره أجيب لي جليس
يشغل عقلي يكون لي ونيس
جبت الصبر وقولت هاهيص
روحت فقلت أنا بالترابيس
جالى الصبر بيجري ويصرخ
قلت يا صبر بتصرخ مالك
كنت كويس إيه اللي جراك
قالي دا ليلك كله عذاب
كله آلام كله مهالك

سبني ف حالي يصلح حالك
حد يقول لي أنا هعمل إيه
جبت الصبر ماهنش عليه
حتى ف ليله يكون لي ونيس

أوهام حب

كنت عارف م البداية

إن حبه كان أوهام

كنت عارف إن كدبه

كان بيرسم لي

دنيا كلها أحلام

كنت ألوم دائما

في نفسي

لما بسهر يوم

في حبه

ومش عارف أنام

كنت لما أتوه في كدبه

كان بيهرب م الكلام

رغم حبه جوه قلبي

قولت أبعد

بس خوفت على

عقلي م الجنان

كنت ماشي ويا قلبي

في سكه صعبه

واللي ما عملتش

حسابه إن قلبي

في النهاية

يكون حطام

عائش في أحزاني

طول عمري عائش
في أحزاني وأيامي
اللي ما بتمشيش
بعيش يومي مع همومي
وليلي يعدى ما يقوليش
بتيجي البسمة في الإحلام
ولما أصحا ما تعرفنيش
دي حتى الفرح معاندني
ولما يعدى من جنبي
ما ببشوفنيش
يا ناس اشكي لمين حالي
من الدنيا اللي سجناني

في وسط قلوب
ما ترحنيش
بداري و بمشي
من همي واخبي
شكوتى مني
واقول يمكن
تروح ما تجيش
اتاري اللهم دوبني
وحالف انه
ما يسيبنيش

صدقيني

صدقيني لما أقولك
إنك إنتي اللي هويتك
صدقيني لما أقولك
إن قلبي هو بيتك
صدقيني لو عيوني
جت في مره واشتكيتك
أصل قلبي كل دقه
يلوم عليا من سكوتك
فاكر إني مش بقولك
إنك إنتي اللي هويتك
مش مصدق إني بفهم
كل مره صوت سكوتك

مش مصدق إني بعشق
من جمالك لون عيونك
مش مصدق إني بروي
كل ورده فوق خدودك
مش مهم قلبي يعرف
أو يصدق إني عاشقك
المهم كل دقه
خارج منه
تقول بحبك

يرضي مين؟!

يرضي مين؟؟

إننا عايشين في دنيا

نص ناسها طماعين

ناس بتقسي ع الغلابه

وفي الأذية شياطين

ناس بتاخذ كل حاجه

من جيوب المحتاجين

ناس بتعشق الخيانه

وفي النصايب شمتانين

عايشه فيها كالديابه

تاكل كل الطيبين

مش بتعمل أي حاجه

غير بتقتل مظلومين
عذرهم في الدنيا عادة
أصلهم متعودين
كبرهم خدهم زيادة
للتعالي ع الغلابة
الشقيانين

شكوة حروف

حرفين بيشكوا للسطور

وجع القلم

من حبر بات مقهور

على كلمة قالها بألم

لفت سطور وسطور

مش لاقية غير الندم

على دنيا عايشه الدور

والكل فيها أتظلم

ما هي كلمة تايهه مابين

كلمات متزوقه

محصورة بين سطرين

حروفها مفرقه

تتطق تقول ولمين
على ظلم ناس مساكين
ماتت بدون مشنقة

ليه بيسيبي

ليه بيسيبي ويبعد عني
يقول لي عملت ف قلبه أنا إيه
كنت بضمه جوه ف حضني
لما الدنيا بتقسي عليه
عشت ف حبه سنين وسنين
عمري ما شوفت حنان ف عينيه
جت له الفرصة ببيعني ويمشي
وانت يا قلبي بتزعل ليه
سيبه يقابل حب جديد
سيبه ده يمكن يبقى سعيد
بكره هيعرف قيمة حبي
بكره دموعه هتملى عينيه

أحلام الكلمة

أنا مش صورة

ع الحيطه

ولا شاعر ولا فنان

ولا بكتب عشان زيطه

ولا شهرة في أي مكان

أنا بكتب عشان الكلمة

جوايه لها أحلام

ونفسي في مره

تتحقق مع الأيام

ويوصل صوتها

للدنيا في كل

مكان



نفسى

نفسى أهرب منى لىك
نفسى حضىنى ىحتوىك
نفسى دالىماً و أنت جنبى
أنسى الدنيا وأشترىك
نفسى أعدى بىك بحور
نفسى حبى ىعىش فى نور
نفسى دالىماً وأنت جنبى
حبى ىنطق فوق سطور
نفسى أكمل بىك حىاتى
نفسى أخرج من سكاتى
نفسى دالىماً وأنت جنبى
ىبقى قلبك هو ذاتى

نفسى قلبك يبقى ليا
نفسى أشوف خوفك عليا
نفسى دايمًا وأنت جنبى
تبقى كل الدنيا ليا
نفسى عمري يكون معاك
نفسى قلبى يعيش هواك

عتاب قلم

يا قلمي ليه تعاتبني
على حروفي
اللي بكتبها ..!؟
وليه الحبر لو ينزل
على سطوري بخاف منه
ليجي يوم .. ويقتلها ..!؟
دي حتى الكلمة
تخاف تطلع تحاسبها
حرام سييني كده كفاية
بُكا حروفي اللي بكتبها
كفاية عليا أوراقي اللي
فكراني بعذبها

عايز تبعد

ليه بتحاول تبعد عني
بعد ما قلبي أتعلق ببيك
كنت لقلبي أقرب مني
كنت بعيش أحلام ف عينيك
كنت قايد لك إيدي شموع
كنت بخبي ف عيني دموع
كنت كتير أنا بظلم نفسي
ولا اخليكش في يوم موجوع
عايز تبعد؟! ماشي براحتك
بس تقول لي إيه أسبابك
أوعي تقول لي ف مره جرحتك

أو سببت آلام لجنايبك
خدت قرارك بس لوحديك
ولا فكرت ف اللي شاريك
إرحل وابدع عادي براحتك
عمر ما قلبي هيجري عليك

سكة

سكة وملهاش نهايه
لكن حكايتها حكاية
نقطة ومشوار و نهايه
هتخلص كل حكاية
مشيت وأنا طفل صغير
شايل أحلامي معايا
وكأني حمام بيظير
رفرف من كتر هنايا
شابيت وأنا حلمي وخدني
عمال في حياتي أنا ببني
قابلتني هموم وخدنتي
ورمتني في سكة بعيد

أرجع إزاي مش عارف
وطريقي أنا حسه بعيد
يمكن علشان أنا خايف
أمشي والسكة تزيد
ولقيت أدامي نهاية
وفرحت وكنت سعيد
أتاريها يا قلبي بداية
ويارتنى ما كنت مشيت
منا أصلي حكايتي حكاية
نقطة ومشوار و نهاية

إيه يرضيكي

أنا مش عارف إيه يرضيكي
بعد ما جببت الكون حواليني
حبي وقلبي وعطف عليكي
حتي المال كان ملك ايديكي
سبتي ده كله و رُحتي مشيتي
ولا فكرتي ف اللي شاريني
راجعه تقولي خلاص حنيتي
فاكره حياتي أنا ملك ايديكي
قولي هجيب لك حب منين
بعد ما قلبي خرج من بيتي

أم طرحة

يا أم طرحه مدوره

فوق جبينك زى آيه

يا أم طبعة حسن

رسمه فوق خدودك

أحلى ورده ف بستان الصبايا

يا أم بسمه منوره من بين شفائفك

زى ضوء البدر طالع

في ليل هنايا

يا للى مهما كتبت فيك

مش هيكفي من جمالك

ألف سطر وألف قصه

ولا ملايين الروايا

فيه ناس

فيه ناس عايشه

على الكلمة اللي تخذعنا

تجيب في حروف وفوقها حروف

مفيش معنى

وناس تايهه مابين الخوف

وبين قلوب ما تسمعنا

وناس بتعد في الساعات

وناس القلب فيهم مات

وناس كلامها كله سكات

بيوجعنا

وناس رايحه وناس جايه



وناس حياتها على المايه

وناس بتكنز الميه

وناس ناسيه

هيجي يوم

ورب العرش

يجمعنا

عينيكى عنوانى

لو شوفت حُسنك
أدوب وأنسى أحزاني
في عينيك تاهت قلوب
ما جمالها رباني
دا أنا حبي ليك
مكتوب
وقلبي خلاني
أبني ف عينيكى
قصور
واعملها عنوان

جايه ليه

جايه ليه بعد الخداع
بعد ما قلبك راح وباع
فاكره لسه هبقى ليكي
ولا هنسى كل حاجه
وارجع تاني أشتريكي
ولا فاكره إن قلبي
لسه لعبه بين إيديكي
ولا فكره دمعه منك
تقدر تمحي كرهى ليكي
مستحيل ..
مستحيل بعد الخداع
إن أفكر تاني فيكي

مستحيل
دا أنا قلبي ضاع بعد
ما كان بين إيديكي
مستحيل بعد الوداع
يرجع تاني يحن ليكي
مستحيل يرجع يحبك
بعد ما هان
كتير عليكي
ومستحيل يرحم دموعك
مهما نزلت من عينيك

مين فينا ؟

مين فينا

اللي كان ظالم

و مين اللي كان مظلوم ؟

مين فينا

اللي كان شاري

و مين اللي كان بيخون ؟

مين فينا

اللي كان بيسامح

و مين اللي كان بيلوم ؟

مين فينا

اللي كان جارح

و مين اللي كان مألوم ؟

مين فينا
اللي كان قاسي
وزود قلوبنا هموم ؟
و مين فينا
اللي مهما شاكيننا
كان دايمًا بصدر حنون ؟

أحلى ضفاير

أنا شوفت الكون

في عيونك طاير

وشوفت الشمس

بتغزل ليكي أجمل توكه

لأحلى ضفاير

وشوفت خدودك

زي النسمة

رسمه جمالها

زي الشفة

ما ترسم بسمة

وشوفت ورود

من رمشك ماتوا

وشفت نجوم
من جنبك فاتوا
وليه يستغرب ؟
ما أنت جمالك
خلى القلب
يوقف دقة
من دقاته

اعتبرني

اعتبرني زهرة حلوة

بين أيديك

اعتبرني مره غنوه

تسمعها

بشوقي إليك

اعتبرني لحظة حب

بتنادي عليك

اعتبرني كلمة تايهه

بين جمال معانك

بس نفسي تعتبرني

مره كحل تزين بيه

عنك

أعمى

ما تحسبونيش اكمني أعمى
ما تحسبونيش اكمني ضرير
فيه ناس كتير بالعين بتشوف
وناس كتير مالهمش ضمير
عمري أنا عشته ظلام ف ظلام
وطريقي زى دقيق في رغيف
كله عجين من مسك كفوف
كله بياكله و فاكره خفيف
عشت سنين وعصايتي ف أيدي
كانت ليا أوفى صديق
دام الود ما بينها وبينى
دامت سندي في كل طريق

سيبت عصايتي وقولت أتمشى
زى ما كل الناس ماشيين
توهت ف سكة خبط ف عشه
ورجلي كمان لزقت في الطين
حزنت وقلت أرجع من تاني
واتاري السكة خدتنى بعيد
رجعت وببكي وبنعي الأمي
من يوم كنت أنا فاكراه سعيد
رجعت وخذت عصايتي ف حضني
وقلت يارتنى ما كنت مشيت
هي حياتي وعمري وسندي
عرفت قيمتها أنا بره البيت

حسنها

لو شوفت حُسنك أدوب

وانسى أحزاني

في عينيك تاهت قلوب

ما جمالها رباني

دا أنا حبي ليك

مكتوب

وقلبي خلاني

ابني ف عينيك

قصور

واعملها عنواني

قرار

وخذت قرارى

من نفسى

أشوف نفسى

وقلت هافوق

وأبيع قلمى وكراستى

فى وسط السوق

وأعيش لحياتى

ولقلبى اللى بات مشقوق

من الدنيا

اللى تاعبانى

وخليتنى أعيش مخنوق

هاودع قلّمي
اللي كان دايماً
يواسيني
مع دموعي
اللي كان بيتها
جفون عيني
وأدور بين محبيني
على فرحه تخلييني
أعيش مبسوط

يا بلدي

اسمك بين الوجود عالي
يا بلدي يا أم الكرم والجدود
حبك جوه القلوب عالي
يا ارض أبويا والجدود
شعبك زى الورود نادي
أسودك واقفة ع الحدود
مستحيل في يوم اسيبك
ولا أروح لبلاد غريبة
أصل دمي هو نيلك
والحياة ف بعدك كنيبة
وان خادتنى الدنيا مره

وقولت ابعء عن ءبارك
قلبي بفضل ءوء منى
يلوم علىا من عتابك
اءرى وارء من ءءء
أبوس ترابك
ما أنت ءائماً واقفة ءنبى
وشائلة كل هموم ولءك
قلبى شائل ءوء منه
ءب لىكى
أءولء لءظة مىلاءه
من ءنائك اللى شافه
بىن اءءىكى
والءرىب لو مره ءالك
بءشئلة ءوء ف عىنىكى

ياللي من يومك قرارك
هو أجمل حاجة فيكي
يوم عبرنا باختيارك
يومها رجعت سينا ليكي
ضربة جامدة وف نهارك
العدو بقى بين إيدكي
من يومها الكل هابك
ما أنت نصرك مجد ليكي
والشهيد اللي عشانك
ضحى نفسه لخوف عليكي
أصل هما دول ولادك
اللي روحهم ملك ليكي
رفعوا راسك بين جيرانك
رفرفه علمك عليكي

مين يفكر يوم يجيبك
ولا حتى يسد نيك
وأنت شعبك طول حياته
ايده مسكه في قلب ايدك
ولو مين راح يعاديكي
ويطمع في اراضيكي
يطير النسر من علمك
يجيب حقك ويحميك

.....

مين غيرك؟!!

مين غيرك يا أمي

يحسني بأمان؟

مين غيرك في حزني

يعلم قلبي لـ بتسام؟

مين غيرك بيمسح لي دموعي

لما تنزل من غدر الزمان؟

ياللي قلبك كل نبضه

خارجه منه مليانه حنان

في الطفولة علمتيني

قبل ما أنطق الكلام

وف شبابي بتراعييني

لما بسهر ولا أنام

وما بزعل بتراضيني
وما اتعب بتداويني
واما ابعد بتناديني
أجري واسمع الكلام
ما انت يا أما نن عيني
وف صدرك كل الحنان
صدقيني يا ضي عيني
حبك أنت مش كلام
أبتدى في لحظة ميلادي
شمعة قايدة في الظلام
وما أسمع يوم أهاتك
وسط ليل حاضن سكاتك
قلبي يخرج من ضلوعي
وعيني ماتعرف تنام

الشاعر في سطور

الاسم / خالد محمد عبد السلام

الاسم الأدبي / خالد عبد السلام

المؤهل / معهد فوق متوسط قسم الكترونيات

الحالة الاجتماعية / متزوج ولديه ولدين وبنت

لي مدونه علي الشبكة العنكبوتيه بعنوان همسات خالدة

<https://hmsatkhaleda.blogspot.com/eg/>

لي صفحة علي الفيس بوك بأسم / خالد عبد السلام

* عضو رابطة الرجالين وكتاب الأغاني المصرية

* مؤسس مبادرة نجوم علي طريق الإبداع لتبني المواهب

* عضو الجمعية العامة لشعراء وأدباء مصر

* عضو نادي أدب الفلج بالقليوبية

* محرر أدبي بجريدة الأخبار ألان

* عضو رابطة الأدب الحديث

* أمين عام ثقافة القليوبية لحزب مصر القومي

* عضو جمعية شعراء العرب بالأردن

بعض شهادات التقدير

* شهادة تقدير من قصر ثقافة الإسكندرية عن نص يا حلب

* شهادة تقدير من جريدة همس مصر للشعر والأدب
والاشتراك في ديوان مجمع

والحصول علي المركز الثاني في سابقتهم الكبرى عن نص
(ساعة الغروب)

* شهادة تقدير من جريدة الجمهور العربي عن نص الأم

* شهادة تقدير من وكالة الشعر العربي عن نص أغضب

* شهادة تقدير من جريدة لألى الأدبية عن نص أم طرحة

* شهادة تقدير من رابطة الكتاب العرب عن نص أنا
المحبوس

* شهادة تقدير من حزب مصر القومي لمبادرة تبني
المواهب الصغيرة

* شهادة تقدير من الجمعية العامة لشعراء وأدباء مصر

* شهادة تقدير من منتدى ملتقى الأمانة الأدبية
تمت استضافتي على إذاعة القاهرة الكبرى أكثر من مرة
في برنامج المقهى الثقافي مع الإعلامي ربيع السيسي
وبرنامج الصالون الثقافي للإعلامية سحر توفيق
نشرت لي قصائد في الصحف المصرية مثل جريدة
الجمهورية
جريدة الضياء الثقافية جريدة الأخبار الآن جريدة أخبار
الأدب

الفهرس

الصفحة	القصيده	م
3	الإهداء	1
4	إهداء خاص	2
5	اتعدت	3
7	أنا المحبوس	4
9	اضحك	5
11	ساعة الغروب	6
14	الحكاية	7
16	مجرد حلم	8
18	اشكي ليا	9
21	أنا جيت لك	10
23	شايلين الهم	11
25	داري العيون	12
27	ذنبى إيه ؟	13
29	طمينى	14
32	مش هخون	15
34	مش ذنبى	16
36	بتحسدنى	17
38	ازاي تنسانى	18

40	المحروم	19
42	اتمنيتك	20
43	أنا القلم	21
44	غدر الدنيا	22
47	ماتصدقنيش	23
49	ليل الوحده	24
51	أوهام الحب	25
53	عايش في أحزاني	26
55	صدقيني	27
57	يرضي مين ؟	28
59	شكوة حرف	29
61	ليه بيسييني ؟	30
62	أحلام الكلمة	31
63	نفسي	32
65	عتاب قلم	33
66	عايز تبعد	34
68	سكة	35
70	إيه يرضيكي	36
71	أم طرحة	37
72	فيه ناس	38
74	عينكي عنواني	39

75	جايه ليه	40
77	مين فينا	41
79	أحلى ضفاير	42
81	اعتبرني	43
82	أعمى	44
84	حسنها	45
85	قرار	46
87	يابلدي	47
91	مين غيرك	48
93	الشاعر في سطور	49
96	الفهرس	50
99	إصدارات دار النيل الفرات	51

إصدارات
دار النيل والفرات
للنشر والتوزيع 2017



م	عنوان الكتاب	إسم المبدع
1	ترتيل البوستات الصباحية لأنواع الحب ج. 3	ناجى عبد المنعم
2	ترتيل البوستات الصباحية لأنواع الحب ج. 4	ناجى عبد المنعم
3	العفريّة الشقيّة (مسرحية)	ناجى عبد المنعم
4	المختصر المفيد فى سيرة أهل بيت الحبيب	د. عبد الحلیم هنداوى
5	فى حب الله وعشق الأوطان	د. عبد الحلیم هنداوى
6	ظمى لا زبد وعبر للأبد	د. عبد الحلیم هنداوى
7	أبو الطيب المصرى (ج. 1) نصوص	عبد الله الشوربجي
8	أبو الطيب المصرى (ج. 2) نصوص	عبد الله الشوربجي
9	أبو الطيب المصرى (ج. 3) نصوص	عبد الله الشوربجي
10	أبو الطيب المصرى (ج. 4) نصوص	عبد الله الشوربجي
11	أبو الطيب المصرى (ج. 5) نصوص	عبد الله الشوربجي
12	أنين الروح (أشعار)	جيهان عبد الرؤوف علوان

13	همسات	(أشعار)	السيد صابر
14	أشجار الخوف	(أشعار)	رضا ابو الغيط
15	الحلم بيكبر	(أشعار)	رضا ابو الغيط
16	أشكرك	(أشعار)	رضا ابو الغيط
17	أكفان الخوف	(أشعار)	رضا ابو الغيط
18	تباشير الصباح	(أشعار)	رضا ابو الغيط
19	وتر البكا	(أشعار)	سمير موسى
20	مدمن ضرب	(أشعار)	سمير موسى
21	بيعدوا أملاكى	(أشعار)	علاء الدين على
22	مشاكسات إبداعية	(أشعار)	أسماء فريد
23	عن التواصل الأدبى بين الشعوب (دراسات)		د. يسرى عبد الغنى
24	حميسة	(مجموعة قصص قصيرة)	عبد المنعم شرف
25	نبضات أنثى بلا وطن	(أشعار)	تهانى فواد
26	أميرى	(أشعار)	أسماء فريد
27	جدلية التحول بين التمرد والانتماء		ناجى عبد المنعم
28	رباعيات		ناجى عبد المنعم
29	ترنيمة لأنواع الحب	(ثلاثية مسرحية)	ناجى عبد المنعم

30	أبو جلمبو فى كوكب المرىء (مسرحية)	ناجى عبد المنعم
31	حاملة الورد (أشعار)	د. عبد الحليم هندواى
32	إنكسار حرف (أشعار)	محمود هليل
33	محاكمة ميت (مسرحية)	ناجى عبد المنعم
34	حرفين وجع (أشعار)	منى الغريب
35	مين يسامح مين؟! (مسرحية)	سميرة محمودى
36	إهدى عليًا (سلسلة أغانى سميرة 2)	سميرة محمودى
37	ياريت نحبك (أشعار)	السيد محمد صابر
38	الدنيا حالها كده (مسرحية)	السيد محمد صابر
39	ترنيمه لأنواع الحب (ثلاثية مسرحية)	ناجى عبد المنعم
40	كان بيننا إيه (سلسلة أغانى سميرة 3)	سميرة محمودى
41	لا تذكرينى	سمير حماية
42	مسرح خيال الظل	سمير حماية
43	أكبر وهم	محمد الفلكى
44	حب الوطن	محمد الفلكى
45	صمت المشاعر	محمد الفلكى
46	نويت أرحل	خالد أحمد عبد السميع

محمد بهاء الدين	قول العصارى	47
نبيل نجاح	حكاية عمرى	48
مسعد سليم	مشاعر	49
حارس أبو عزب	تحت النقاب	50
عبد البديع النجار	مناجاة عاشق	51
محمد السيد سعد	بدون مونتاج	52
وشعراء آخريين	مساجلات ناجى عبد المنعم	53
مجموعة شعراء	حرب بلا راء	54
صبحى ثابت بشاى	ماتشيليش يالامه الصيوان	55
عبد الإله الديب	الليلة الأخيرة	56
حسن حمدى	أوتار الحروف	57
حسن عبد المنعم	شاطيء هواك	58
محمد البنا	منتهى العقل	59
خالد عبد السلام	مجرد حلم	60
ديوان مشترك	همس الفرسان	61